



Constitueram quidem apud animum, differere hoc loco de Exercitio Religionis tum publico, tum priuato, tum domestico, eiusdemque iure inter eos, qui diuersa Sacra colunt, cum vero periculum rei facerem, mox animaduerti, me in materiam incidisse fertilitatis tantae, quae vix vno alteroue tam paucarum pagellarum Schediasmate, non dicam exhauriri, sed ne degustari quidem pro dignitate rei sane grauissimae queat. Mutavi ergo ex parte consilium, atque intra cancellos *Exercitii Religionis domestici* subsisto eo lubentius, quo magis me, vix hic loci aduentantem, per occupationes longe plurimas hinc inde distrahi in aprico est, quoque magis in eo totus quantus quantus sum, vt officium clementissime in me collatum suscipiam ocius, eoque rite defungar; id quod etiam excusationem, vt spero, facile mihi parabit apud aequos rerum arbitros, quod ne hoc quidem de Exercitio Religionis domestico pensum pertexuerim integrum.